

## لو أرادوا رمضان لأعدوا له عدة .. الحلقة ) 60 ( .. #دعوة\_حب .. د

### . حازم شومان

حازم شومان

السلام عليكم ورحمة الله وبركاته. الحمد لله وكفى. وصلوة وسلاما على عباده الذين اصطفى. اللهم لك الحمد كله وكله وبيدك الخير كل الخير كله. واليكم يرجع الامر كله. لبيك يا ربنا وسعديك. والخير كله - 00:00:00

في يديك والشر ليس اليك. انا بك واليكم تبارك وتعاليت. استغفرك واتوب اليك. اللهم صل على حبيب قلوبنا وطبيب قلوبنا وشفيعنا يوم العرض عليك. محمد صلى الله عليه وسلم. اللهم صل على محمد - 00:00:32

وعلى آل محمد كما صليت على ابراهيم وعلى آل ابراهيم انك حميد مجید. اللهم بارك على محمد وعلى آل محمد كما باركت على ابراهيم وعلى آل ابراهيم انك حميد مجید. ثم اما بعد. وقف رسول الله صلى الله عليه وسلم قبل غزوة بدر - 00:00:52

وقف رسول الله صلى الله عليه وسلم في فرصة مهولة للفردوس الاعلى. وقف ينادي في المسلمين جميعاً قوموا الى جنة عرضها السماوات والارض عرضها السماوات والارض يعني عرضها اكبر من مليارات المجرات الكونية ده ايه؟ تخيل نصيبك فيها ممكن يبقى قد ايه؟ اخواني ورمضان - 00:01:12

رب يقترب وباقى عليه اسابيع. قليلة بناديك وبنادى كل واحد. الدنيا طحته او معاishi السراذته. او عايزينطلق الى الله. قم قوموا الى جنة عرضها السماوات والارض. ارم التمرات اللي في ايديك. ارم التمرات لان اعظم لحظة في حياتك كلها خلاص - 00:01:32

اقتربت استعدى لها. اللحظة اللي هيتفتح فيها ابواب الجنة التمانية. اخوانى اللحظة دي كل واحد منكم كل واحدة منكم هيبقى واحد من اتنين يا اما ساعة ما تتفتح ابواب الجنة التمانية هتبقى انت لسه مكانك بعيد. زنوبك بعداك وشهواتك بعداك. بعيد - 00:01:52

اول ما الابواب تتفتح ورمضان يبدأ هنطلع تجري وتجري. مرة زنب يوقعك ومرة شهوة توقعك. ونطلع تجري على ما تقرب من ابواب الجنة يكون رمضان خلص خلاص. يا دوبك شميـت ريحـة الجنة. يا اما واحد تاني هـيبدأ من الوقت يا اخوانى. هـيبدأ من الوقت ينطلق الى ابواب الجنة - 00:02:12

عشان لما ييجـي رمضان يـبدأ يـبقى واقـف على ابوـاب الجـنة. اول ما تـتفـتح ابوـاب الجـنة يـدخل الجـنة. يـعيش تـلاتـين يوم في الجـنة. رمضان في الجـنة. يـبقى اـحـلى رـمضـان مـرـعـلـيـك. وـمـرـعـلـيـك في حـيـاتـك. عـشـان كـدـه درـسـ اللـيـلـة نـصـيـحةـ غالـيـة اوـيـ. اوـيـ يـاماـ رـمضـانـ ضـاعـتـ منـيـ وـمـنـكـ. بـسـبـبـ - 00:02:32

ان اـحـنا ما فـهـمنـاش يـعـني اـيـهـ الاستـعـدادـ لـرمـضـانـ. درـسـ اللـيـلـةـ ياـاخـوانـيـ فـرـصـةـ لـاسـتـنـقـازـ رـمـضـانـ الجـايـ. مـمـكـنـ يـكـونـ اـخـرـ رـمـضـانـ فيـ حـيـاتـكـ. لـمـاـ تـسـتـعـدـ لـهـ صـحـ وـتـعـيـشـهـ صـحـ تـبـقـيـ قـابـلـتـ رـبـنـاـ باـعـظـمـ عـمـلـ مـمـكـنـ تـعـمـلـهـ فيـ حـيـاتـكـ. اـخـوانـيـ فيـ اللـهـ درـسـ اللـيـلـةـ وـلـوـ اـرـادـواـ رـمـضـانـ لـاـعـدـوـ لـهـ عـدـةـ - 00:02:52

ماـذاـ قـبـلـ رـمـضـانـ؟ درـسـ اللـيـلـةـ معـنـاـ عـنـاصـرـ عـشـانـ يـبـقـيـ النـصـيـحةـ مـرـكـزـةـ باـزـنـ اللـهـ سـبـحـانـهـ وـتـعـالـىـ. اـولـ عـنـصـرـ لـمـاـ كـلـ هـذـاـ الاستـعـدادـ الرـهـيـبـ لـمـاـ كـلـ هـذـاـ الاستـعـدادـ الفـاجـرـ؟ رـمـضـانـ وـاـهـلـ الـبـاطـلـ الـعـنـصـرـ التـانـيـ. رـمـضـانـ لـيـسـ عـصـاـ سـحـرـيـةـ. اـنـتـبـهـ مـعـيـ - 00:03:12

انتـبـهـيـ مـعـيـ. رـمـضـانـ لـيـسـ عـصـاـ سـحـرـيـةـ. رقمـ تـلـاثـةـ صـفـقـةـ الـعـمـرـ. رقمـ اـرـبـعـةـ. وـلـوـ اـرـادـواـ رـمـضـانـ لـاـعـدـوـ لـهـ بـعـدـ رـمـضـانـ تـكـرـمـ الـأـمـةـ اوـ تـهـانـ. رقمـ سـتـةـ وـاـخـيـرـاـ ماـذاـ قـبـلـ رـمـضـانـ؟ الـبـرـنـامـجـ الـعـلـيـ الـعـمـلـيـ الـعـسـكـرـاتـ الـعـمـلـيـةـ - 00:03:32

الـبـرـنـامـجـ الـعـلـيـ الـلـيـ قـبـلـ رـمـضـانـ. رـمـضـانـ وـاـهـلـ الـبـاطـلـ. لـمـاـ كـلـ هـذـاـ الاستـعـدادـ؟ كـلـمـةـ مـعـلـومـةـ اـفـزـعـتـ قـلـبـيـ. مـعـلـومـةـ اـفـزـعـتـ قـلـبـيـ. انـ اـهـلـ

- الفن استعدوا لرمضان في القنوات الفضائية المصرية بمية وثمانية مسلسل. مية وثمانية مسلسل في تلاتهن حلقة بتلات تلاف متين -

00:03:52

اربعين حلقة يعني حوالي اربع تلاف حلقة يا جماعة. اربع تلاف حلقة عار علينا. ان اهل الباطل عملوا كل ده استعداد لرمضان؟ واحنا عملنا ايه؟ واستعدينا ازاي؟ عار علينا ان المصايف بتستعد لرمضان والقهاوي بتستعد لرمضان والقنوات بتستعد لرمضان واحنا لسه بنناقش تستعد -

00:04:12

رمضان ولا لأ؟ يا جماعة اذا كانوا هم عملوا اربع تلاف حلقة عشان رمضان. احنا عملنا ايه؟ اربع تلاف حلقة. كل حلقة كل حلقة مش داعية بيتكلم ساعة ده الف مشهد ومشهد. كل مشهد وراه مونتاج ومكياج ومكياج ووراه حوار وسياري وحوار واخراج -

00:04:32

وموسيقى تصويرية وكل مشهد وراه فريق عمل جيش كامل. جيش كامل من المسلمين والمخرجين والمصوريين. كل واحد فيهم مرتبه ومرتبات المسلمين بقت ارقام فلكية. تقرأ دواء سبعة مليون. دي ستة مليون. دي خمسة مليون. دي ستة مليون. تخيلوا ده افراد من جيش كامل -

00:04:52

كل ده بينفق عشان ايه كل ده بينفق ليه؟ القنوات الخليجية على ايه؟ على على ايد وساق. في الاستعداد لرمضان ومسلسلاط رمضان. القنوات المصرية ما بتنامش. القنوات العلمانية ما تنامش عشان مسلسلاط رمضان. ليه وتلاقي مسلسل يقول لك معاوية بن ابي سفيان مسلسل تاني مقتل الحسين. مسلسل تالت سقوط -

00:05:12

فاشمعنى النقط دي؟ اشمعنى النقط دي اللي عايزين يسمموا بها دماغ الناس؟ وقلب الناس في رمضان. عايز اقول ايه؟ عايز اقول ان استعداد اهل الباطل ده بيبيين لك -

00:05:35

استعدادا للباطل ده كله ليه؟ ليه؟ اربع تلاف حلقة يعني عشر اضعاف مجهد السنة كلها من اوله لآخره ليه؟ رمضان ده يا جماعة الشهر الوحيد اللي بترجع فيه امة تاني. الناس بتبقى حريصة انها تأكل بعض. وتزار بعض وتصل بعض وتعبد ربنا مع بعض. الامة بتحيا من جديد في رمضان. المنزرة -

00:05:45

اللي بيعيدوا الامل لسة في الامة تاني منزr الحج ومنزr رمضان والعبادة في رمضان. عشان كده عايزين يموتو المعاني دي فيينا. رمضان ده الشهر اللي لو الامة مرضتم الام هترجع امة من جديد. رمضان ده الشهر اللي انت لو عشتة مرة واحدة صح هتبقى انسان تاني انسان من جديد. رمضان ده المفصل بتاع -

00:06:05

حياتك كلها. رمضان ده اخطر معركة في حياتك. لو انتصرت فيها كل المعارك بعد كده هتبقى سهلة. معركتك مع نفسك. معركتك مع الشيطان. معركتك هبعصيك. رمضان ده اخطر معركة في حياتك. ولو فزت فيها هيحقق اعظم نصر في حياتك. ليه؟ مرعوبين من رمضان ليه؟ مرعوبين كل ده ليه -

00:06:25

حقن التخدير في رمضان بتبقى بشكل جنوني للدرجة دي ليه؟ عارفين ليه؟انا عايزكم دلوقتي تفتقروا معي كلام ربنا عن رمضان في القرآن بس مش عايزك تقرأه زي ما بتسمعه كل سنة. شهر رمضان الذي انزل فيه القرآن. لا لا لا الكلام ده بيشعمنا احنا على الطاعة وعلى العبادة. انا عايزك تتخيل -

00:06:45

ابليس لما هيسمع الاية ديت عايزك تتخيل اهل الباطل لما يسمعوا الاية دي هيسمعها ازاي؟ عشان تعرف ان هم لهم حق يتربعوا وينفعوا وما يناموش الليل كمان. شهر رمضان -

00:07:06

الذى انزل فيه القرآن. شهر يعني رمضان ده شهر. رمضان ده مش خطبة. الامة هتسمعها وتدخل من الودن دي وتطلع من دي. ده شهر كامل. يعني فرصة مهولة للتغيير يعني رمضان ده الامة ممكن كلها تتغير فيه وتخرج امة من جديد. وده اللي راعبهم وده اللي مرعوبين منه. وده اللي ما يقدروش يستحملوه. شهر رمضان -

00:07:18

رمضان من الرمضاء اللي بتحرق الشهوات في القلوب. ولما الشهوات في قلوب المسلمين تحرق هنسوقةهم بايه؟ هنحتنكمهم بايه هتضيعهم بايه؟ الذي انزل فيه القرآن انزل فيه القرآن. القرآن كان ده البداية. شهر رمضان ده البداية. بداية كل مشهد

00:07:38 حارق قلوبهم لغاية -

دلوتي ببداية بداية التربية. بداية الحضارة اللي كانت اعظم حضارة في التاريخ بداية الخلافة اللي هدت نص  
الباطل في الارض في خمسة وعشرين سنة. بداية بداية خيبر بداية الغزوات. بداية الفتوحات والقادسية واليرموك ونهاؤن -

00:07:58

بداية مصعب وسلمان وعمار. ده البداية. رمضان ده بداية الحاجات اللي لغاية دلوتي. بينفقوا المليارات ويبذلوا جهد الليل والنهار  
عشان يموتها في الامة. رمضان جاي تاني. البداية دي جاية تاني. الامة دي ممكن تنطلق من رمضان وتطلع منه تاني. رمضان ده  
فرصة ان الامة دي - 00:08:15

نبدأ من جديد عرفتم ليه انه مرعوبين من رمضان؟ عرفتم ليه هيموتوا من رمضان؟ عرفتم ليه عاملين اربع تعالاف حلقة عشان الناس  
ما تلحش بص حواليها في رمضان الذي انزل فيه القرآن هدى للناس يعني ايه؟ يعني رمضان ده هيرجع الامة على  
الطريق تاني. هيعرفك الطريق تاني. هيحطك على الطريق - 00:08:35

تاني وبينات من الهدى والفرقان. الفرقان يعني هيئور لنا الطريق تاني. هيئور قلوبنا هيعرف الامة مين عدوها ومين حبيبها هيعرف  
الامة ايه الحق وايه الباطل. فمن شهد منكم الشهر فليصممه. شهد يعني رمضان ده مشاهد. مشاهد بتتحف في القلب حفر. يعني  
القلوب - 00:08:58

هتتغير. يعني التغيير الحقيقي داخل القلوب هيحصل. وهم يموتوا لو القلوب اتغيرت. فمن شهد منكم الشهر فليصممه. الصوم اصلا  
جاي من معنى الامتناع. يعني الام هتقدر تقول للمعاشي لأن. يعني الام هتقدر تقول للشهوات لأن. يعني الشباب هيقدر يقول للمخدرات لأن.  
يعني - 00:09:18

بنات هتقدر تقول للتبرج لها. ولما الام تقول للمعاشي لأن هنسوقة بايه؟ الا ان الامة تقدر تقول للمعاشي لأن. فمن شهد منكم الشهر  
فليصممه. ومن كان مريضا او على سفر فعدة من ايام اخر. يريد الله بكم اليسر ولا يريد بكم العسر بكم - 00:09:38  
لو الباقي هنا باقي الملابسة يعني ربنا يريد ان اليسير يلبس كل حاجة في حياتكم. يبقى الجواز سهل. يبقى الشغل سهل. يبقى الرزق  
سهل يبقى لقاء ربنا والموت سهل. سهل يعني بدون نزع روح شديدة من الاجساد. يبقى الدين سهل. يبقى الالتزام سهل. الوقت يا  
جماعة ولا يريد بكم - 00:09:58

دلوتي كل حاجة العسر ملابس للامة. الجواز صعب. كل حاجة صعبة. الرزق صعب. الشغل صعب. الالتزام ان شاب يتلزم طلوع الروح  
اللي ملتزم يتربى ويبقى داعية دا صعب جدا. ان واحد يعرف دينه كل حاجة بقت صعبة حتى الدعوة على الدعاء. الدعوة على الدعاء  
بقت صعبة لانهم - 00:10:18

بيتعاملوا مع ناس نفرة عن دين ربنا مش عايز يقرب من دين ربنا الا من رحم الله. يبقى لما ربنا يقول ان رمضان ده وش الخير.  
رمضان ده بداية اليوم - 00:10:38

استر على الامة. رمضان ده بداية ان كل حاجة تبقى صحي الامة يتربعوا ولا لأن. يريد الله بكم اليسر ولا يريد بكم العسر ولتكلموا  
العدة ولتكبروا الله على ما هداكم - 00:10:48

الله. تكبروا الله دي كلمة معركة. ده كلمة نصر في معركة. يعني رمضان لما بيجي وتلاقي نفسك بتتصلي وبتقوم وعايش مع ايات ربنا.  
رمضان لما بعد ثلاثة يوم تحس انك انت واذ ابتلى ابراهيم ربه بكلمات فاتمهن - 00:11:02  
تحس انك انتي المهام اللي ربنا كلفك بها فيه. ساعتها قل الله اكبر يعني ايه انت ما انتاش عارف انت ما انتاش عارف ابليس طلعت  
روحه قد ايه عشان رمضان ده الامة ما تعرفش تنتفع به. انت ما انتاش عارف مردة الشياطين من ساعة ما اتفكت سلسلتهم -  
00:11:19

من حداشر شهر ما بيناموش ازاي؟ عشان الشهر اللي احنا جايين عليه داهو. انت ما انتاش عارف دي بالنسبة لهم معركة قد ايه؟  
ولتكبروا الله على دي كلمة معركة. رمضان ده اخطر معركة في حياة الامة - 00:11:34

رمضان ده المحور بتاع حياة الامة لو رمضان جه صح احنا انتصرنا على ابليس وعلى اهل الباطل ولتكروا الله على ما هداكم. ولعلكم تشكرنون. دي الكلمة اللي ابليس قالها لربنا. ولا تجدوا اكترهم شاكيرين. هنساهم عملت لهم - 00:11:49

ايه ؟ وذا سألك عبادي عنني فاني قريب. يعني الام هترجع تتواصل بربنا تاني. هترجع توصل بحبل الله المتنين تاني يعني ايه يا جماعة ؟ هم عايزيين يعملوا قطبيعة بين الامة وربها. هو ابليس كان بيروسوس لادم في الجنة ليه ؟ ليه ؟ عشان يخرجه طب ما هو عارف انه خارج خارج - 00:12:07

وربنا قال قدامه اني جاعل في الارض في خليفة. ابليس كان بيروسوس لادم ليه ؟ عشان لما ادم ينزل الارض ينزل وهو فيه قطبيعة بينه وبين ربها يبقى يعرف ان هو يواجه ادم منه لادم. ما ييقاش ادم في حماية من الله سبحانه وتعالى. يبقى لما ربنا يقول لنا - 00:12:27

رمضان هييجي يوصلكم بربنا تاني. هييجي يخليكم في حصن من الله تاني. ابليس يتربع ولا لأ هل الباطل يتتفزع ولا لأ ؟ يعملوا اربع تلاف واربعين الف حلقة ولا لأ ؟ عرفتوا ليه ؟ لما كل هزا الاستعداد الفاجر ؟ عرفتم ليه هيموتوا من - 00:12:44

عرفتم ليه ؟ يا جماعة الكلام ده ما ييأسناش ابدا. ربنا قال لموسى القى عصاك ارمي بس قومي ارمي عصاك. قم ارمي الق عصاك. قم اشتغل. قم اعمل اللي تقدر عليه. وكل الجهد ده هيتنسف. كنت مع احد احد اخوانى - 00:13:04

ماشيين في الشارع من الشوارع لقينا محل من محلات المحمول عاملة حفلة دي جي كبيرة والدنيا مليانة مليانة معازف. فرحة نكلهم نكلهم نوعظمهم في الله. بكلم الشاب بتاع الدي جي - 00:13:20

لقيته بدأ يتتأثر جدا. اخ شاب من المحل خرج يعني بدأ يتتأثر برضه قال له طب اقفل وشغل قرآن. دخلنا المحل لازم تشربوا حاجة ساقعة. دخلنا المحل لقينا يعني ناس معينة في المحل. يعني بفضل الله ممكن ربنا اتها من المال. بدأنا نتكلم معهم في الدعوة الى الله. واحد منهم يعني الاخ اللي كان معى يعني ايه - 00:13:33

يعني له نشاط في في الاعمال الخيرية فعنده تلميذ يتيم. قال لهم انا عندي تلميذ يتيم. واحد اتبرع لهم بتلتميم شنطة و بتلتميمية تيشيرت خرجنا من المحل لقينا جايبين عربية وقادعين يحملوا اجهزة الدي جي عليها وبيربطوها. قلت لهم ايه خلاص مشم. قلت سبحان الله ! كلمة يا جماعة ! في دقيقة - 00:13:53

يا اخوانى في دقيقة كل الموقف بتاع المعصية ده اتقلب لطاعة ربنا سبحانه وتعالى. يا جماعة القوا عصاكم. بس انتقم بس انت اتكلمي بس انت تتكلمي المبة وتمانية مسلسل دول هيتنسفوا نصف لو قمنا فعلا لله سبحانه وتعالى من الحاجات الغريبة جدا السنة دى - 00:14:13

ان رمضان جاي في عز المصايف. فيه ناس كتير جدا حاجزة مصايب في رمضان. يا ترى يا ترى هتبיע جنة الريان عشان مصرف من المصايف يا ترى هتهرب من حر الدنيا لحر جهنم ؟ يا ترى يا جماعة نختار المصايف ومعاذيفها وتبرجها ؟ واحتلاطها ولا هنختار الله ! يا ترى - 00:14:33

رمضان السنة دي على البلاغات ولا في المساجد يا ترى يا جماعة يا ترى المصايف هتبعدنا عن رمضان ؟ يا ترى المصايف هتخلينا نخسر اخطر معركة في حياتنا ؟ يا ترى يا جماعة هنضيع السنة دي بسبب - 00:14:52

سبب ان رمضان جه في عز الصيف الكل بيستعد لرمضان. القهاوي نفسها وانت ما بتستعدش لرمضان. الكل بيستعد واحنا اللي ما بنستعدش لرمضان. الامة وصلت لفين ولفرحك بالذنب اذا ظفرت به - 00:15:05

اعظم عند الله من الذنب. المعنى الرهيب بتاع الامة بالذنب النهاردة. الشاب يقعد يقلب على موقع النت القدرة. يفضل يضرب القسم ما يجيشه. يضربه تاني ما يجيشه. اول ما الاسم فجأة الموقف - 00:15:22

هيفتح ويبيص تلاقيه يفرح لا فرحك بالذنب اذا ظفرت به اعظم عند الله من الذنب فرحته في اللحظة دي اشد عند الله. من كل اللي هي عمله طول الليل من الموبقات - 00:15:36

كفاره حكمت ذنب البنت لما تنزل تدور على هدوم كاسية الرسول قال كاسيات عاريات عاريات يا رسول الله دول لابسين يا رسول الله عاريات. يا رسول الله دي لابسة بنطلون عاري - [00:15:51](#)

عارية هي والعارية السواء. لا فارق. اول ما تلقي لبس قزر تفتن به الشباب تفرح لفرحك بالذنب اذا ظفرت به اعظم عند الله من الذنب الامم دلوقتي بقت بتفرح بالذنب. رمضان جاي عشان نندم على الذنب. عشان قلوبنا تصحي. عشان نفوق. قوموا قوموا الى جنة عرضها - [00:16:01](#)

السماءات والارض لما كل هزا الاستعداد الفاجر؟ اظن بدأنا نفهم يا جماعة. بدأنا نفهم وهم بيستعدوا كل ده ليه؟ لو السانوية العامة امتحاناتها جاية في عز الصيف والمصايف ما حدش هيروحها. طب لما رمضان جاي هنروح ولا أ - [00:16:25](#)

ثانياً رمضان ليس عصا سحرية ده اهم نقطة في درس الليلة. رمضان مش عصاية سحرية. اول ما هيبدأ رمضان الدموع اللي ما نزلش منها ولا دمعة طول السنة. هتنهر عينك والقلب اللي ما كانش بيحس بآيات القرآن طول السنة هيبدأ يلين ويبيكي اول ما تسمع اي ايات ربنا في التراويح. رمضان مش عصاية سحرية - [00:16:40](#)

الفتور اللي كان مسيطر على قلوبنا طول السنة هيتحول لاشتعال ايماني اول ما رمضان يدخل لأ يا جماعة. يا جماعة زي بعض الاخوة يظن انه اول ما يروح العمارة اول عمرة - [00:17:05](#)

حياته وي Shawf الكعبة هينهار وهيبيكي وهيتزلزل. اول ما يروح يبص يلاقي نفسه مش حاسس مش حاسس ليه؟ هي الكعبة تخليل الواحد يتزلزل. بس باي اي قلب ذهبت الى بيت الله باي قلب ستدخل رمضان. ما تفتكريش انك هتدخلي رمضان بزنبوب حداشر شهر - [00:17:15](#)

ما تفتكرش انك هتدخل رمضان بغفلة حداشر شهر. وفطور عن الصيام وقلة في القيام. واول ما تدخل تحصد الثواب حصد. زي اللاعيب اللي مستني بطولة وقاعد مطمن وما بيستعدش ولا بيتدرب ولا بيتمرن. ومعتقد انه هيدخل هيحدد النياشين والواسمة حصد - [00:17:33](#)

ويحدد الكؤوس حصد. يا جماعة ما تفتكروش ان انا لما اقول لك اخر ختمتها ختمتها. انت ختمة ايه! ده رمضان اللي فات. وكم يوم صمته السنة دي كم يوم انا - [00:17:52](#)

مش فاكر بس ما يجوش عشر تيام. مثلاً هتدخل رمضان تلقي رمضان قلبك اتغير والدنيا اتغيرت. يا جماعة اسمعوا هذه الكلمة الخطيرة اللي تعد في محور الدرس بتاع الليلة. واللي هتفسر لكم ده رجب لسه ما خلصش - [00:18:02](#)  
هو بيكلمنا ازاي! ده احنا لسة وصايمين تلتasher واربعتasher وخمستasher رجب! هو ازاي بيكلمنا في آآ في رمضان من الوقت! الكلمة دي هي اللي هتفاهم هتفاهمنا كلنا سر الدرس ده ايه؟ قال احد السلف - [00:18:17](#)

رجب شهر البذر انك تبذر بقى بذور الایمان في قلبك وشعبان شهر السقيا ان احنا نروي بذور الایمان دي بالعبادات. ورمضان شهر الحصاد يعني ايه؟ يعني كل اللي هتزرع فيه في رجب وشعبان هو اللي هتحصد فيه في رمضان. يعني ايه؟ يعني اللي انت عايز تحصد في رمضان لازم - [00:18:31](#)

رجب وشعبان يعني يا جماعة لازم نقوم الليل من الوقت نعيش مشاكل القيام. يدخل قيام رمضان نقى خلاص مستعددين. نعيش مشاكل الصيام من وقت يجي صيام رمضان خلاص مستعددين. يا جماعة رمضان من الشهر المجاهدة. رمضان ده شهر حصد حصد المهوول للحسنات الرهيبة. يا اخواني رمضان مش شهر انك تواجه شهواتك - [00:18:55](#)

وفتنك ومشاكلك. لا لا ده كل ده في رجب وشعبان. تدخل رمضان بقلب نظيف. بقلب وقف لله تعالى. بقلب يحدد سواب حظ رمضان زي شحنة عشر تلاف فولت. عشر تلاف فولت - [00:19:17](#)

لما تدخل في جسم واحد ميت مش هتعمل له حاجة ده ميت اصلاً. انما لما تدخل في جسم واحد حي هتقومه هتنفشه نفث. هو ده رمضان لو الواحد ميت وايمانه ميت وما بيعملش حاجة قبله. رمضان هي عمل له ايه؟ كل سنة بيضيع علينا رمضان بنفس بنفس السبب. ندخل رمضان. يروح مننا - [00:19:32](#)

رمضان في الفتور والذنوب والمعاصي والاحباط كل سنة رمضان بيروح مننا يا جماعة بنفس السبب. كان زمان الواحد رمضان بيروح منه بنفس السبب اول ما الواحد اتعلم بفضل الله. يعني ايه يستعد لرمضان من قبلها؟ رمضان بقى قفزة في حياة الواحد - 00:19:52  
رمضان بقى نقلة كل رمضان بقى نقلة في حياتك عايزه بيقى رمضان نقلة في حياتك. عايز رمضان بيقى نقلة في حياتك لازم نستعد لرمضان. نستعد من البداية. لما تيجي تسيب الزنوب اللي انت بتعملها زنوب سر او - 00:20:09

في رمضان هتعوقك في رمضان وتقدر عليك رمضان وبعد رمضان ترجع لها تاني. انما لما تسيبها من الوقت هييجي رمضان بيقى الضربة القادمة على هذه الزنوب من حياتك رمضان يا جماعة شهر الجنة. شهر ان احنا نستعد من الوقت ونجري وننطلق نقف على باب الجنة. اول ما ابواب الجنة التمانية تفتح ندخل يا جماعة. نعيش - 00:20:23

تلاتين يوم في الجنة نعيش في جنة رمضان ساعتها هنخرج من رمضان عمرنا ما نسيب الصيام ولا القيام ابدا ثالثا صفة العمر صفة العمر اخيرا قلبك هيظهر تاني اخيرا هتلاقي اعون على الطاعة تاني - 00:20:45

اخيرا هتلاقي فرصة تقربي من ربنا فيها تاني ما تضيعهاش بقى ما تضيعهاش. رمضان طوق نجاة. طوق نجاة لكل واحد بينزل في التزامه. طوق نجاة لكل اخت بتتنكس. طوق نجاة لكل واحد الدنيا طحنه - 00:21:05

اه طوق نجاة لكل واحد بيقع في معاصي السر طوق نجاة لكل واحد عايز يتلزم ويقبل على الله. طوق نجاة لكل واحد عايز ينطّق يتنقل في اطلب ربنا انقل بقى زي النقلة بتاعة العربية. كل مرة هنفضل على الاول في كل رمضان. نقل بقى يا جماعة نقل وننطلق بقى لقدم ونطلع بقى. في علاقتنا - 00:21:18

يعني الوقتي رمضان لو فرق معك درجة واحدة في الجنة درجة واحدة الفارق ما بين كل درجة والثانية في الجنة زي الفارق ما بين السما والارض يعني رمضان هينزلك نقلة زي الفرق بين السما والارض - 00:21:38

انت بعد رمضان عن قبل رمضان زي الفرق بين السما والارض. يا جماعة اللي ما يجتهدش في رمضان عامل زي واحد. عنده فندق في وش الحرم المكي وقفله في موسم الحج - 00:21:52

بيقى هيكسب امتى؟ يا جماعة ده شغلنا كله ده دي معركتنا كلها. عشان كده عشان كده عايزين عايزين نعرف رمضان الناس فيه اتنين. يا واحد رمضان بالنسبة له اسانسير راكبه تلاتين يوم قاعد يطلع يطلع في درجات الايمان. يا - 00:22:05

واحد قاعد يا عيني يعافر يطلع سلمة بسلامة. رمضان يا واحد بيجربي ينطلق ما يمكن ما يلحقش ابواب الجنة قبل ما تغلق تاني. يا واحد على باب الجنة يدخل على - 00:22:23

رمضان واحد اول ما بيسمع ايات القرآن في التراویح قلبه يلقط وي بكى. وواحد تاني قاعد كل شوية في صلاة التراویح ما هوش حاسس. يقوم على يساره تلات مرات. ما فيش فایدة تفل كمان ثلاثا. ما فيش فایدة تافهه اللي على شماليه يا عيني يتبهدل - 00:22:33

من كتر ثلاثا فسلاسة فساسا. وهو اصلا التفل في السنة بدون رزاز كمان. يعني كمان مش عارف يتفل عن السنة. اخوانى في الله. رمضان ده صفة العمر رمضان ده عامل زي كلية الشرطة كده لما يجيروا الطلبة بتوعها في الاول اول يوم في الكلية يحطوا له من اجل الاكل ييجوا يأكلوا دقیقة ويقولوا خلاص ممنوع - 00:22:52

يمد ايده هيموت من الجوع. ده احنا كنا بنقعد نص ساعة في بيوتنا خلاص. النوم معك. الصحيان بمعاد ما لناش دعوة حتى لو انت سهران. بعد تلاتين يوم بيقووا اتعودوا خلاص - 00:23:12

هو بالزبط رمضان كده. هتتعود على حياة جديدة هتخرج انسان جديد. رمضان شهر لتكوين سروة حسنات مهولة. شهر لانقاذ الامة شهر عاداتك وطباعك والامة كلها. شهر الانقاذ كل واحد بدأ يحود. شهر للتخلص من المعاصي اللي انت مش قادر تخلص منها. رمضان يا جماعة - 00:23:22

زي السانوية العامة. السانوية العامة اللي بيذاكر كوييس ويجب مجموع كبير يدخل الكلية اللي هو عايزها. رمضان لو انت جبت فيه مجموع كبير ادخل بقى بعد كده في ربنا سبحانه وتعالى شف رمضان يا جماعة عامل زي تلاتين امتحان. تلاتين يوم كل يوم امتحان.

كل امتحان ورقة اسئلة. اول سؤال - 00:23:42

جلسة الضحى النهاردة. تاني سؤال حال قلبك في الصيام. تالت سؤال تراوি�حك رابع سؤال ورد قرآنك. خامس سؤال تهجدك. سادس سؤال الجماعة سمع سؤال صنائع المعروف. كل يوم مجموعة من الاسئلة انت داخل تلاتين امتحان. انت داخلة تلاتين امتحان. على حسب تقديرك - 00:24:02

تلاتين امتحان دول هيبيقى مقامك عند الله. سبحانه وتعالى. رمضان مش شهر لعب. رمضان ربنا بيايدك فيه. ما تخذلش نفسك. ده الملايكه اللي بتنزل ليلة القدر بس اكتر من عدد حصل الكرة الارضية. كما صح عن رسول الله صلى الله عليه وسلم. كل دول نازلين يأيدوك. كل دول نازلين يعينوك. كل دول - 00:24:22

عايزين يسبتوك. كل دول نازلين من اجل ان ربنا يسبتك على طريق الطاعة في رمضان. اوعي تخذلي نفسك. رمضان يا جماعة الانسان مخلوق من طين لازم زي الصلصال. رمضان شهر التشكيل بقى. ان احنا ترجع تاني بقى. ناس اطهار. اذا جاء نصر الله والفتح دي في رمضان - 00:24:42

عايزين رمضان ده بيقى نصر وفتح في حياتنا. انا مش باكلمكم الوقتي عن رمضان انا باكلمكم الوقتي عن الاستعداد لرمضان. ما حدش يقول لي انت بتتكلمني عن رمضان من رجب. ليه مش رمضان - 00:25:02

انا بكلمكم على ان لو ما استعدتوش لرمضان انتم عاملين زي بالزيط الفلاح اللي ما زرعش في وقت الزرع. جه وقت الحصاد بص الناس وهي بتحصد مسال وحزن وقلبه وجعه بدأ يحصد ويزرع على ما نبتت. كان وقت الحصاد راح - 00:25:14

كانت راحت خلاص. انا مش عايزك تحزنني. مش عايزك تتحزني لما تشويفي الناس بتبكي في رمضان وانت قلبك حجر مش عايزك تحزن لما تشويفي النساء بيدخلوا جنة الريان يوم القيمة - 00:25:32

رمضان وانت واقفة من نوع تدخلني لانك ما اجتهديش زيه. مش عايزك تحزن. عايزين يا جماعة نفوز بجنة الريان السنة دي باذن الله. وده استعداد وده العنصر الجاي. ولو ارادوا رمضان لاعدوا له عدة - 00:25:49

رمضان يا جماعة عايز استعداد. رمضان عايز استعداد حقيقي. الفرق الكروية لما بتيجي تستعد ببطولة مهمة يقول لك هنعمل ايه؟ معسكس. يعني ايه معسكس؟ ده معسكس كلمة جيش يعني ايه جيش يعني جهاد؟ يعني في الكورة فهموا ان الجهاد الحقيقي مش المباراة لأن الاستعداد للمباراة. الجهاد الحقيقي ان احنا نستعد يا اخوانى ان احنا - 00:26:06

نستعد يبقى الجهاز الحقيقي مش رمضان. ده رجب وشعبان. رمضان ده حصاد الاستعداد زي ما المباراة حصاد الاستعداد. يا ترى بتوع كاس العالم بيستعدوا له قد ايه يا ترى بتوع الامتحانات بيستعدوا له قد ايه؟ يا ترى يا جماعة الاستعداد قد ايه لازم نستعد لعملية عقلية - 00:26:26

هتكسب ايه لو استعديت؟ وهتخسر ايه لو ما استعدتىش؟ هتكسب ايه؟ الصحابة كانوا بيدخلوا اي رمضان؟ اي رمضان كانوا مش بيصلوا يصوموا زينا بس. ده كانوا بيجاهدوا قتله في بدر وفي وفي فتح مكة الله! طب ليه؟ لان هم داخلين جاهزين. في اعلى درجة لياقة. فهمها كانت التكاليف هيبيقى - 00:26:45

احسن رمضان في حياتهم. يا جماعة اللي هيستعد لرمضان من الوقت لو مات قبل رمضان كل يوم بيموت حوالي ربع مليون واحد على وجه الارض يعني قبل رمضان الجاي ما بيجي هيكون مات على وجه الارض على الاقل عشرة مليون بني ادم. ليه ما تعتبرش نفسك منهم؟ ليه ما تخافيش انك انت تبقي منهم؟ ليه - 00:27:05

لو انت استعديت لرمضان من الوقت ومت قبل رمضان تبقى مت مرابط. يبقى بازن الله لك ثواب رمضان حتى لو كنت ما ادركتهوش يا جماعة يا جماعة ورمضان متوقف على جهدك قبل رمضان. وبعد رمضان ليه كل مرة بعد رمضان نخرج مش متغيرين؟ لان رمضان ما غيركش - 00:27:23

طب ليه؟ لان قبل رمضان ما استعدتىش لرمضان لازم نستعد يا جماعة عشان نتغير تغيير حقيقي. عشان نوصل لربنا وصول حقيقي.

هتخسر ايه لو ما استعدتش رمضان؟ اول حاجة صدمات البداية - [00:27:42](#)

عارف صدمات البداية؟ عارفة صدمات البداية؟ اول ما تدخل رمضان تمسك المصحف تلاقي قلبك حجر مش طايق مسدود مش قادر تكمل صفحتين على بعض عايز تقفل المصحف. تقفل في صلاة التراويح تلاقي تسعين في المية من الصلاة. رايح عليك مش قادر تقفل على رجليك اصلا. تيجي - [00:27:56](#)

تفطر تلاقي نفسك هتموت على الاكل تقدر تأكل تاكل. تلاقي نفسك نمت بعد الاكل ما انتاش قادر. ما انتاش قادر ليه صدمات صدمة اول رمضان لما تلاقي جدار الغفلة اللي حوالين قلبك مهما جاهدت ما بيتتشقش وما بيذوبشي. صدمة اول رمضان لما تيجي تجتهد في عبادات النهار - [00:28:14](#)

تلاقي الليل ضاع عليك وما عرفتش تعمل فيه حاجة. تيجي تجتهد وتسهر طول الليل تصلي تلاقي النهارده عليك. وضعاع منك حتى صلوات فرائض له. ليه؟ لأن انت ما انتش مستعد انت داخل من غير لياقة خالص. ويجي الاخ يبكي ويقول يا جماعة انا باق في التراويح اللي على يميني بيعيط واللي على شمالي بيبكي - [00:28:32](#)

انا مش حاسس بحاجة. ما هو طباعي طباعي ازي اي هو ده الطبيعي وفي النهاية يجري المصلين يدوروا على اي واحد صوته حلو حتى لو ما لوش اي علاقة بفقه الصلاة. زي الحديث الصحيح بتاع رسول الله صلى الله عليه وسلم - [00:28:51](#)

بادروا بالاعمال ستا. النقطة السادسة كانت ايه يا رسول الله؟ ونشوا يعني نشا يعني شباب صغير. ونشوا يتخدون القرآن مزامير يقدمون احدهم ليغينهم يقدمون واحد صوته حلو كأنه بيفني لهم وخلاص عشان ما يناموش - [00:29:06](#)

يقدمون احدهم ليغينهم ويقدمون احدهم ليغينهم وان كان اقلهم فقها. ولو كان ما عندهوش اي فقه خمسة وتسعين في المية من ائمة التراويح النهاردة بيقرروا من المصحف بيهرب المصحف وده على قول الجمهور لا يجوز اصلا. على قول الجمهور يا جماعة ان المشهد ده يعني انا عايز اقول لكم الوقتي - [00:29:24](#)

عايز اقول لكم اذا كان ما بنستعدش لرمضان هيبيقى فيه صدمات في البداية. غير صدمات اخر رمضان بقى في صدمات اخر رمضان لما تبدأ بقى تلات اربع تيام يروحوا في معاصي وتلات اربع تيام في فتور وفي نص رمضان تبقى زي الناس العادي خلاص ما عدتش قادر تواصل - [00:29:46](#)

على ما بيبدأ اخر رمضان بيجي. على ما تبدأ الدموع تنزل. على ما بيبدأ القلب يرق. على ما بيبدأ الايمان يزيد. على ما بيبدأ الوش ينور. على ما بيبدأ يتحرك على ما تبدأ تتوصل بالله - [00:30:03](#)

شوال بيستقبلوه وتلاقي رمضان خلص بدون اي تغيير حقيقي تقفل تبكي لن انسى ما حيت ايام زمان اول ما الواحد التزم لما كان يستقبل رمضان بالدموع. بالدموع ليه؟ عامل ايه يا رب؟ عامل زي الطالب اللي نام صاحي على نفسه قدام الامتحان خلاص. يا رب - [00:30:16](#)

وانا لاستعديت ولا عارف هعمل ايه في رمضان. ولن انسى ما حبيت اخر رمضان. ايام زمان لما كان الواحد يودع رمضان بالدموع. حاسس ان خلاص اللي كان فيه اتشال هيخرج للدنيا وفتنهما تاني. طب يا رب انا ما اتغيرتش تغيير حقيقي. يا جماعة الاستعداد لرمضان هو مفتاح - [00:30:35](#)

باذن الله. سبحانه وتعالى. رمضان عامل زي القطر مش هيستناك. هيجي وهيف ويعدي على طول. اللي مش جاهز مش هيستناه. يا جماعة اللي طلب اللي بيذاكر ايام الامتحانات ممكن ينجح بس عمره ما هيتفوق - [00:30:55](#)

عمرك ما هتطلعي من الاولى. عمرك ما هتبقي من المحسنين لو ما استعدتش من قبلها بفترة كافية. يا اخوانى كل سنة بنرضى من مائدة رمضان بلقمة بفتات. تقرأ احاديس العبادة في رمضان بيهر قلبك. تقرأ احاديس صنائع المعروف في رمضان بيهر قلبك. تقرى احاديس الاعتكاف في رمضان بيهر قلبك - [00:31:10](#)

تقرأ احاديس الدعوة الى الله في رمضان بيهر قلبك. تقرأ احاديس ختمات القرآن في رمضان بيهر قلبك. طب انت استعديت ليه من كل ده؟ كل سنة بترضى من فتات من مائدة رمضان ليه؟ يا جماعة لا يلدغ المؤمن من جحر مرتين - [00:31:30](#)

احنا اتلدحنا كم مرة بتضييع صفات رمضان بسبب عدم الاستعداد له ؟ استعدوا اللي مش هيستعد لرمضان هيندم ندم كل يوم  
بل كل طاعة بل كل صلاة هيندم انه ما استعدش لرمضان - 00:31:46

بعد هذا بعد رمضان تكرم الام او تهان يعني ايه بعد رمضان ؟ تكرم الام او تهان الواحد لاحزان كثير من الناس دائمًا يتكلم يقول لك في رمضان حصل كذا. وفي رمضان حصل كذا وفي رمضان انتصرنا في كذا. عايزين نعرف رمضان ما نبصش لرمضان بالاول -  
00:32:03

نبص لشوال ليه ؟ اصل شوال ده بقى الامة خارجة من رمضان. نبع شوال ده هو اللي هيبيين لنا فعلا الامة بتخرج من رمضان متغيرة قد ايه شوال ده اللي هيبيين لنا فعلا الامة بتخرج من رمضان جاهزة للمهام العظمى قد ايه. شوال ده اللي هيبيين لنا فعلا ربنا ييفتح على الامة بعد رمضان قد ايه - 00:32:19

في شوال. شوال شهر المعجزات. شوال شهر غزوة حنين. اللي الحصى حارب معنا فيها. لما النبي القى الحصى على عيون الكفار الحصى دخل في عيون الكفار وساب عيون المؤمنين. الحصى بقى قنابل ذكية بتحارب معنا. رمضان شوال شهر المعجزات -  
00:32:39

شوال شهر الفتوحات معركة القادسية اللي العراق ومن شرق الارض افتحت قدامنا بعدها. كانت في شوال شهر التضحيات شهر شوال ده اللي حصل في غزوة احد اللي مصعب انه عمير اقطع قدام النبي عشان النبي ما بيتمسش وانه سايبة بنت كعبها افتحت ورا النبي عليه الصلاة والسلام. عشان النبي ما - 00:32:59

والصحابة اتقطعوا حوالين النبي وانهزقوا عشان رسول الله صلى الله عليه وسلم لا يصيبه اذى وفيهم عين تطرف شوال يا جماعة شوفوا الامة خرجت من رمضان قوية قد ايه. بتضحي قد ايه ؟ مستعدية تشتعل قد ايه ؟ موصولة بالله ويفتوحات الله قد ايه ؟  
شوال شهر - 00:33:24

البطولات بعد اربعة وعشرين ساعة من غزوة احد يأمر رسول الله صلى الله عليه وسلم الجيش اللي حارب امبراطور احاديوم السبت احاديوم الحد حمراء الاسد الوقتي عشان نحارب المشركين - 00:33:44

يا رسول الله ده احنا كلنا متقطعين. طلحة بن عبيد الله شهيد يمشي على وجه الارض. من كتر ما هو متقطع كلنا مصابين وكلهم قاموا بطولات خارجين من رمضان يا جماعة. خارجين من رمضان. شوال - 00:33:56  
شوال شهر البطولات. شوال شهر الثبات. غزوة الخندق. غزوة الاحزاب كانت في شوال. عشرين يوم بيحفروا في الخندق بعد كده تلاتين يوم ما حدش منهم يأمن انه يروح يقضى حاجته. بينهم وبين المشركين وبينهم وبين عشر تلاف مشرك. اشد حصار على المدينة اربعة متر - 00:34:11

لو اي مشرك رب سهم هييجيه في مسلم تخيلوا يا جماعة الجو ده وسبت المؤمنين في شوال. بعد رمضان شوال شهر تعظيم حرمات الله غزوةبني قينقاع. اللي واحد يهودي حاول يراود مسلمة عن كشفها. واقام رسول الله صلى الله عليه وسلم غزوة من اجل هذا الموقف شهر - 00:34:31

تعظيم الحرمات. الامة خارجة من رمضان. الایمان في قلوبها مشتعل. فتوحات ربنا اعظم ما تكون. النصر اعظم ما يكون. عشان كده شوال هو اللي بيعرفك ايه هو رمضان؟ اخيرا ماذا قبل رمضان؟ - 00:34:51

ماذا قبل رمضان عايزين نعرف بقى يا جماعة الوقتي الكلام العملي بقى عايزين نتكلم الوقتي في البرنامج العملي عايزين نتكلم دلوقتي هنعمل ايه قبل رمضان؟ مسلا بقى اربعين يوم على رمضان. باقي خمسين يوم على رمضان. باقي تلاتين يوم على رمضان. عايزين نتكلم يا جماعة هنعمل ايه؟ ده ربنا قال - 00:35:06

على رمضان اياما معدودات يا جماعة زي المباراة تسعين دقيقة يقول لك دقائق معدودات. لما بيجي الحكم يحسب الوقت الضائع يحسبه بالسانية. بالسانية. رمضان ده المفروض دقائق رمضان غالبة. فما بالك بيايامه! ما بالك بلياليه! كل ليلة راحت منك في رمضان! يعني درجات في الجنة راحت - 00:35:23

يعني فرص للمغفرة والعتق من النار راحت. يعني فرص للرحمة والترقى في في الدرجات راحت. يعني رمضان ده فرص لا تغادر ربنا قال وعلى كل ضامر يأتيها من كل فج عميق. لما ارادوا انهم يسافروا من اماكن بعيدة للكعبة. جوعوا الخيل ودمروها. عشان يقدروا يمشوا بها مسافتات - 00:35:43

لما تكون هتمشي مسافة طويلة لازم تستعد رمضان تلاتين يوم متواصل لازم تستعد يا جماعة. لازم تستعد. ربنا بيقول ولتكبروا الله على ما هداكم. رغم الاربع تلاف حلقة بتوع المسلسلات فيه ناس مش هتبص ورا بصمة. رغم المصايف المفتوحة على مصراعيها في رمضان. في ناس هتختار ربنا سبحانه وتعالى. رغم المعركة اللي بين الحق والباطل - 00:36:06

فيه ناس هتصلي وهتباكي وھتعبد ربنا في رمضان. عشان كده يا جماعة هو القضية قضية ايه؟ لما لما الكمبيوتر بيقى ما عندوش تعريف مسلا لحاجة جهاز اللي انت بتسخدمها معه. بتنزل له ويندوز وتعريفات جديدة. احنا عايزيين ننزل ويندوز على - 00:36:29

عايزيين ننزل تعريف عن رمضان لlama. الوقت الواحد بيروح الكعبة يلاقي ناس واحدة فرصة العمرة دي فرصة العمر. هيموت عشان العمارة دي تغيره. وتلاقي في ناس تانية فاكرة نفسها رايحة حديقة عامة. رايحة تشم هوا جنب الكعبة. قاعد فاكر نفسه رايحة سياحة دينية شوبينج في المولات بتاعة الحرم - 00:36:46

اللي زبى ده لما هتقول له استعداد ايه! هو مش عارف يعني ايه عمرة اصلا هو مش قادر يتخيّل معنى كلمة عمر اكتر من السبع تشواط اللي في الاول وخلاص. اهو بالضبط كده اللي مش عارف يعني ايه رمضان هقول له استعد يستعد ليه؟ انت بتكلمني من - 00:37:07

في رمضان ليه؟ هو مش قادر يتخيّل رمضان ده ايه؟ مش قادر يتخيّل خطورة رمضان ايه؟ مشكلتنا ان احنا اتزرع فيينا من واحدنا صغيرين عن رمضان اهو جه يا ولاد - 00:37:21

رمضان بقى ويقعدهوا يجيبيوا بقى ايه آآ الحاجات اللي هتيجي في رمضان مسلسلات والافلام اتزرع من من واحدنا صغيرين غصب عننا بقى في ان رمضان ده كده جو البهجة دي. مش واحدين بالنا ان رمضان ده شهر حصاد رهيب - 00:37:34

حصاد شهر شغل انطلاق الى الله سبحانه وتعالى. عشان كده يا جماعة ولو ارادوا رمضان لاعدوا له عدة عاملين برنامج لرمضان. وعملنا ورقة لرمضان باذن الله سبحانه وتعالى. عملنا ورقة مش عن رمضان لا لا - 00:37:50

ركزوا معي. عملنا ورقة عن قبل رمضان. عن الفترة اللي قبل رمضان. عن الفترة اللي باقية الوقتي من رجب وشعبان. عملنا ورقة اسمها معسكرات ما قبل رمضان. طب ليه معسكرات؟ عشان تعرف انها زي الكرة للاسف الشديد. لازم استعداد. ولازم الاستعداد من بدري ولازم - 00:38:06

استعداد الاستعداد بتاع اللعبة والمعسكرات مش معناها ان اللعيب بينزل ساعة يسخن ويروح بيته. ده بياخدوا اللعبة يسفروه لبلد تانية ودولة تانية. عشان ما يشوفوش حد ولا حد ويقعدهوا يتدربيوا ليل نهار. اهو ده يا جماعة اللي لازم يحصل الوقتي معسكرات ما قبل رمضان. ماذَا قبل رمضان؟ ولو ارادوا رمضان لا - 00:38:26

له عدة عدة يا جماعة فيها قراءة تانية لاعدوا له عدة طب ايه الفرق بين عدة وعدة؟ عدة يعني انا ما ينفعش ادخل معركة بمطوة لازم سيف. المعركة يستخدم بها سيف او ار بي جي مش هدخل بمسدس - 00:38:46

الصوت بالضبط كده انت داخل رمضان. رمضان ده له استعداد كيفي عالي جدا لازم تجهز قلبك. طب امال ايه ولو ارادوا الخروج لاعدوا له عدة ده قال لك يعني بالعدد بقى. يعني انت مسافر سفر ميت يوم ما تاخذش خمس ارغفة عيش. لازم تاخذ على قد العدد انت داخل تلاتين امتحان. تحتاج تراكر - 00:39:01

بتجهز قد ايه؟ تحتاج قد ايه يا جماعة كل حاجة لها استعداد غير التانية. حسب خطورتها وحسب اهميتها. وحسب سمارتها في حياتك. رمضان تحتاج استعداد قد ايه يا اللي عايزيين الفردوس الاعلى؟ رمضان تحتاج استعداد قد ايه؟ اللي عايزيين جنة الريان. رمضان تحتاج استعداد قد ايه يا اللي عايزيين تفوزوا برمضان - 00:39:22

رمضان محتاج استعداد قد ايه اللي عايزين تفتح لكم ابواب الجنة التمانية. رمضان محتاج استعداد قد ايه يا اللي عايزين تخرجوا منه كيوم ولدtkم امهاتكم. رمضان استعداد قد ايه يا امة محمد؟ رمضان محتاج استعداد زي اي ماتش كورة زي كاس العالم رمضان محتاج استعداد قد ايه زي اي امتحان نعامله - 00:39:42

من عمل الدنيا ونستعد له. البرنامج اللي هاقوله لكم الوقت ده كل واحد منه يجيب منه على قد ما يقدر طب انت بتقوله بدري ليه ؟ مش بدري ولا حاجة. يا جماعة ده يا دوبك. لأن احنا دلوقتي لما هنيجي نطبق اللي احنا عايزين نطبقه في رمضان - 00:40:02 كل حاجة فيها مشاكل القيام فيه مشاكل والصيام فيه مشاكل. فاحنا الوقت بنأخذ المشاكل كلها عشان ندخل رمضان متعددين. ندخل رمضان نحصد السواب حصد نرفع في الدرجات رفع بازن الله. نبكي من اول ليلة نعتق من اول ليلة. نفوز من اول ساعة. عشان كده كل اللي انت عايز - 00:40:17

تحصدوا في رمضان لازم تزرعوا في رجب وشعبان. الورقة دي يا اخوان ان شاء الله بازن الله هتلاقوها على موقع الله موقع الطريق الى الله على جوحل بس بالعربي حتى الطريق الى الله هتلاقوا الموقع جا لكم على طول. هتلاقوا الورقة بازن الله بالتصميم بتاعها محظوظة على الموقع وان شاء الله هترجم انجليزي - 00:40:37

فرنساوي والماني واسباني وايطالي بازن الله سبحانه وتعالى لغات كتير. بحيس ان اللي اللي بيسمعننا من اي دولة في العالم اوله صديق في اي دولة في العالم التصميم ده ويبعنته لصديقه عشان ينشره على المسلمين والمسلمين يقوموا من دلوقتي. ويبقى فعلا رمضان ده طعنة في قلب ابليس - 00:40:57

ويبقى فعلا رمضان ده طعنة في عنق اهل الباطل. التصميم بتاع الورقة ان شاء الله هتلاقوه على الموقع بازن الله بعد الحلقة. تدخلوا تدخلوا تسحبوه وبازن الله سبحانه وتعالى بقى تصوروه وتطبعوه وتنشروه وكله يستعد ان شاء الله. ايه هي المعسكرات دي - 00:41:17

اول معسكر معسكر الصيام الصيام ده هو رمضان اصلا. يعني الجنة اللي عرضها السماوات والارض دي تمنها للصيام الريان. رغم ان الصيام ده عمل من في الاعمال الصالحة في الاسلام - 00:41:35 عليك لو زي ما الرسول عليه الصلاة والسلام قال لابي امامه عليك بالصوم فانه ايه؟ لا عدل له. لا عدل له يعني ما لوش عدل في النجاة من النار يوم القيمة. لا - 00:41:48

له في النجاة من عذاب القبر. لا عدل له في تطهير القلب من الشهوات. لا عدل له في القرب من الله. لا عدل له في النجاة من السقوط من على الصراط. لا عدل - 00:42:00

خوف تقل الاعمال الصالحة على الميزان. في رواية تانية عليك بالصوم فانه يا رسول الله مرنى بعمل. قال له عليك بالصوم فانه لا عدل له. قال له يا رسول الله مرنى بعمل طب كمان حاجة قال له عليك بالصوم فانه لا عدل له. قال له يا رسول الله مرنى بعمل عايز حاجة كمان. قال له عليك بالصوم فانه لا - 00:42:10

انت بتتكلم في ايه؟ الصيام يا جماعة ليه؟ نهار رمضان دايما بيضيع بسبب الصيام مش قادرين دايixin. مش عارفين نقرأ قرآن. وليل رمضان بيضاع بسبب الفطار تقلىنين دايixin بعد الفطار. يبقى اتعود دلوقتي عود فسيولوجية جسمك دلوقتي على الصيام والفطار عشان يبقى الموضوع سهل. يبقى - 00:42:30

اول معسكر معسكر الصيام نبدأ نصوم ان شاء الله بازن الله. نصوم على قد ما نقدر بقى هو شعبان اهوت. شعبان اهوت خلاص بینا وبينه ايام. نصوم شعبان كله. نصوم يا جماعة الايام الجاية على قد ما نقدر يا اخوانى - 00:42:50

طيب المعسكر الثاني معسكر الجهاد مش لعبة. معسكر القيام قال تعالى ومن الليل فتهجد به على وزن تفاعل تخلف. يعني هات اخرk اضغط على نفسك اضغط الوجود اللي هو النوم. مضى عهد النوم. كفاية نوم بقى. قوموا وكفاية نوم بقى قوموا. ابواب الجنة التمانية هتتفتح. قوموا اتعودوا - 00:43:02

الصيام من الوقت قال تعالى يا ايها المزمل قم الليل الا قليلا السيدة عائشة بتقول الصحابة لما الاية دي نزلت زلوا يقوموا الليل سنة

لغایة ما رجلیهم بقت عاملة زی سوق النخيل. تخیل واحد رجليه بقت عاملة زی - 00:43:27

نخلة من التورم. يا جماعة القيام. اتعودوا من دلوقي على طول الصلاة بقى. اتعودوا زی ما ربنا بيقول للنبي عليه الصلاة والسلام في اول سورة النمل. وانك لتلقى القرآن انا من لدن حکیم علیم. تلقى التلقی ده قمة الشوق. قمة اللھفة. انا عايزك تتلهفي على رمضان. شوفوا اللي رايح مصيف. يقول لك انا طول السنة - 00:43:43

في امتحانات ودراسة وعيال وشغل وطحن شهر بقى استريح اهو بالزبطة كده انا عايزك تتلهفي على رمضان انا عايزك تتلهفي انا طول السنة شهوات وفتن ومعاصي وذنوب وغفلة. اخيرا بقى رمضان يا جماعة عارفين دهب ياقوت مرجان احمدك يا رب - 00:44:03  
مين يا جماعة اللي يقول رحمة مغفرة. عتق من النار احمدك يا رب احنا عايزين ايه اکتر من كده ؟ كل احلام المؤمن اتجمعت في شهر واحد كل احلام المؤمن اتجمعت في قطار واحد هيبيجي يعدي من علينا وعايزين نفوز به ونركب في هذا القطار يا اخواني - 00:44:23

المعسكر الاولاني معسكر الصيام. المعسكر الثاني بازن الله معسكر القيام. اتعودوا بقى على القيام. يا عم ما اناش قادر. انا راجل مشغول. انا تعبان. انا مطحون دنيا خلاص على ركعتين في الليل. اتعودي على نص ساعة. ليه ؟ عشان لما بييجي رمضان يبقى فيه اساس تعلي عليه - 00:44:41

انما اما بييجي رمضان هتعلي على هوا هوا مفيش قيام اصلا وهنعلي على هوا بيقى المعسكر الثاني معسكر القيام المعسكر الثالث في ورقة معسكرات ما قبل رمضان في ورقة ولو ارادوا رمضان لا يعودوا له عدة. المعسكر الثالث معسكر التوبة والاستغفار. هي التوبة والاستغفار عايزه معسكر دلوقي معسكر - 00:44:58

يا اخي في الله رمضان ده فتح خاف احسن تحرم منه بذنوبك يا بنتي رمضان ده ولایة من الله. خاف احسن تحرمي منها بذنوبك.  
اقرأ آخر سورة البقرة. واعف عنا - 00:45:17

واغر لانا وارحمنا. اعف عن زنوبنا يا رب. اغفر زنوبنا يا رب. ارحمنا من معاصينا يا رب. ها بعد كده انت مولانا ينطق ما نقدرش ننطق ونقول انت مولانا قبل ما نقول اعف عنا واغفر لنا وارحمنا - 00:45:31

قبل ما الزنوب كلها تروح لان الزنوب دي حاجبة عننا ولایة الله. هيتوالاك ازاي في رمضان وانت بالقلب ده ؟ هتدخل ازاي في رمضان  
وانت صحيفتك فيها كل الذنوب دي هتدخل ازاي في رمضان وانت قلبك مليان كل الامراض دي. يا جماعة لازم الكلام ده يظهر عشان يفتح علينا. في رمضان - 00:45:47

لازم نتخلص من الاورام الخبيثة قبل رمضان. لازم نتخلص من المعاصي الخبيثة قبل رمضان. اما نسيبها من الوقت رمضان هيبيقى ضربة قاضية على المعاصي اللي اللي ماسكة في حياتنا على الشهوات اللي في قلوبنا عشان يبقى رمضان ضربة قاضية لازم التوبة والاستغفار قبله. ولا انسى ابدا يعني رؤية رأيتها زمان - 00:46:06

ايم الكلية رأيتها قبل رمضان يومين يعني لا اذكر قد ايه بالزبطة قبل رمضان. قبل رمضان على طول. حلمت ان انا ساجد سجدت في مسجد قام واحد ساجد جنبي وقرأ سيد الاستغفار - 00:46:26

فلما استيقظت يعني ايه ظنيت والله اعلم تأويلا للرؤيا ان كأن يعني ربنا بيوجهي ان رمضان ده فتح كبير قوي عايز تفوز به استغفار على قد ما تقدر قابله عشان تفوز بالفتح ده. ان شاء الله. نستغفر ربنا يغفر لنا ويتبوب علينا يا رب. المعسكر الرابع معسكر الدعاء يعني ايه - 00:46:39

اصل رمضان ده فتح بقى مش بالدراع. يعني كلمة يا رب يا جماعة. يعني انا عايزك يبقى لك لازمة لازمة مش لك لازمة في الحياة. لأنك لازمة على لسانك تلزمها - 00:47:00

وانك داخل بيتك خارجة من بيتك هتركب مواصلة اللهم بلغنا رمضان واجعلنا فيه من الفائزین او اي دعاء اللهم افتح علينا في رمضان. لعل توافق ساعة اجابة تفوز فوز عظيم. عظيم من الله سبحانه وتعالى. الله - 00:47:10  
اللهم بلغنا رمضان واجعلنا فيه من الفائزین يا رب العالمین. اللهم امين المعسكر اللي بعد كده معسكر التشويق الى رمضان. معسكر

المشتاقين الى رمضان معسكر اهل الشوق يعني ايه ؟ شوق نفسك بقى. هيج اشواق قلبك لرمضان ازاي ؟ - [00:47:27](#)  
ابدا هات الكتب اللي على رمضان واقراها من دلوقتي. هات كتاب المشتاقون الى رمضان للشيخ محمد يعقوب. واقراه. هات كتاب من الطارق انا رمضان للشيخ خالد ابو شادي. الدكتور خالد ابو شادي - [00:47:46](#)

واقرى الكلام ده هيلهبا القلوب له التهابا. هات من دلوقتي شرایط الاستعداد عن رمضان. احنا عاملين حملة ولو اعدوا ولو ارادوا رمضان لاعدوا له على موقع وايتوا الله الطريق الى الله ان شاء الله. هتلacci يعني الشرایط دي موجودة هات بقى واسمع شوق نفسك. هتلacci قلبك هيلتهب من كل - [00:47:56](#)

الشوق لرمضان. لما تعرف رمضان قد ايه فرصة عمرك. وقد ايه هو اعظم صفقة في حياتك. المعسكر اللي بعد كده معسكر الصيام مععسكر القيام مععسكر التوبة والاستغفار مععسكر الدعاء ها مععسكر المشتاقين الى رمضان او مععسكر الشكر الى رمضان. مععسكر التفسير - [00:48:16](#)

يعني ايه مععسكر التفسير؟ انت تعرف انك لو بدأت من الوقت تجيب تفسير زي الساعة دي. او التفسير الميسر او مختصر ابن الكسير بتابع الشيخ مصطفى العدوبي. يعني الربع في حوالي تلات اربع ورقات او صفحات - [00:48:34](#)

ربع واحد قرآن تقرأ تفسيره كل يوم وتصللي به قيام الليل قبل رمضان هتكون مخلص خمس اجزاء من كتاب الله. فهموهم ان شاء الله. طب - [00:48:47](#)

لو كل يوم حزب قبل رمضان عشرين جزء ان شاء الله. يا جماعة مش المهم نخلص تفسير القرآن. المهم ان احنا نعيش هتدخل رمضان بقلب تاني. عمرك ما ظننيت ان دا قلبك - [00:49:00](#)

ابدا بالذات لو ربع القرآن ده بقى صليت به في قيام الليل بس اعملها مع خمس ايات. اسمعوا النصيحة يا جماعة. في تجارب عمر يا اخوانى. دي تجارب عمر والله - [00:49:10](#)

الكلام اللي بنقوله ده مش كلام كده ده كلام! ده تجارب حياة. تجارب لما الواحد شاف ثمارها الرهيبة اراد ان هو باذن الله سبحانه وتعالى يبقى يخل كل لمين ؟ مععسكر التفسير المععسكر اللي بعد كده مععسكر الصلاة - [00:49:20](#)

ازا صلحت صلح العمل كله. عايز حاجة واحدة لو صلحتها قبل رمضان. رمضان يتصلح الصلاة الصلاة عارفين كده في دورة ثلاثة وعشرين حلقة للشيخ مشاريخ الراز. الحلقة ربع ساعة. كل حلقة بيصلح حاجة معينة في الصلاة. هنجيبها باذن الله - [00:49:35](#)  
يعني حطيناه على على الموقع باذن الله سبحانه وتعالى دورة اسرار الصلاة ومعاني الصلاة ابدا من النهاردة بقى صلح صلاتك. لما عشر تيام الايام دي في خشوع في صلاتك احسن ما العشر تيام دول يروحوا في رمضان خسارة رمضان. دقائق رمضان غالبة فما بالك ب ايام ومن الوقت صلح الصلاة بتاعتكم عشان يدخل رمضان - [00:49:51](#)

انت صلاتك صالحة يصلح كل حاجة في حياتك. المععسكر اللي بعد كده مععسكر اصلاح القلوب بقى لازم تدخل رمضان بقلب وقف لله تعالى لربنا وبس جهز قلبك من الوقت بقى. ابدا هات كتاب من كتب اصلاح القلوب. زي كتاب مسلا اصول الوصول الى الله للشيخ يعقوب. فيه كتب تانية اصغر واكبر فيه كلام. شرایط كتير عن اصلاح القلوب - [00:50:15](#)

ابدا بقى جهز قلبك. ابدا من الوقت ازهد في الاكل والشرب. ابدا من الوقت بقى جهز قلبك لرمضان. اني لاجد ريح رمضان. عايزين بقى نشتناق يا جماعة عايزين بقى يطلع ناس مشتنقة للتراويح مشتنقة للتهجد. مشتنقة لجلسات الضحى مشتنقة للصيام. مشتنقة للقعدة من العصر للمغرب والدعاء - [00:50:37](#)

والقرآن في المسجد قبل الفطار. مشتنق لتوزيع التمر في الشوارع والمواقف. مشتنق لتوزيع الفطار على الطرق السريعة. مشتنق لرمضان عايزين الاشواق تزيد بقى. مععسكر القلوب. المععسكر آآآ المعسكرات دي يا جماعة. لما نبدأ نعملها دلوقتي بقى في شعبان وفي الايام الباقيه - [00:50:57](#)

الرسول عليه الصلاة والسلام قال على شعبان ذلك شهر يغفل عنه الناس يعني ايه اشمعنى قيام الليل اللي ربنا بيتنزل فيه؟ في التلت الاخير. ويقول هل من سائل؟ هل من تائب؟ هل من مستشفى؟ ليه؟ لأن الكل نائم - [00:51:17](#)

فاللي يقوم في الوقت ده بقى ما حصلش اشمعنى الرسول عليه الصلاة والسلام قال ثلاثة يحبهم الله منهم رجل كان في سرية دخلوا يحاربوا الكفار هزموا المسلمين اللي جري هو تقدم بصدره حتى يفتح له او يقتل - 00:51:31

معنى ده لأن والكل بيجي همه نفسه هو همه ربه والكل مشغول بنفسه هو مشغول بيدينه. والكل بيتراجع هو بيتقدم. والكل بينزل هو بيصعد وبيطلع. انك انت لو الكل غافل في الايام دي تقوم وتستعد وتجهز. استعداد حقيقي. شغل حقيقي. معسكر حقيقي. ذلك شهر يغفل عنه - 00:51:48

الناس اخيراً اخواني في الله الورقة دي باذن الله سبحانه وتعالى. الورقة دي سميناها ولو ارادوا رمضان لاعدوا له عدة. سميناها معسكرات ما قبل رمضان. سميناها يعني بدأنا فيها بالمبة وثمانية مسلسل - 00:52:12

بتوع رمضان وهنعمل ايه ؟ وهنعمل ايه في المسلسلات دي ؟ الورقة دي موجودة على موقع الطريق الى الله. الورقة دي لازم يا اخواني باذن الله سبحانه وتعالى تكون ايجابيين. انشر - 00:52:25

يا جماعة انجح درس في الدنيا بيسمعه مليون ؟ لسة مليار وتلتمية تسعه وتسعين مليون مسلم ما يعرفوش عنده حاجة. انشروا الحق يا جماعة. هاتوا ورقة زي دي انا قلت الدرس. انشر انت بقى هات الورقة داهيت. الورقة دي مش مكتوب عليها اسم حد طبعاً يعني. ده حاجة لله. الورقة دي هاتها واسحبها من على الموقع بالتصميم بتاعها اطبعها - 00:52:35

وانشرها ووزعها. اتبعيها وانشريها ووزعها الموضوع في غاية البساطة. صورها. لو ما انتاش عارف تتبعها. صورها ووزعها واديها للناس يا جماعة عايزيين ننشر الخير. عايزيين الخير يعم في امة محمد. بتترجم باذن الله سبحانه وتعالى. وهينزل الترجمة. يعني ممكن تكون يا نزلت يا اما - 00:52:55

في خلال ان شاء الله باذن الله يوم يومين بلغات مختلفة من لغات العالم نشرها يا جماعة. ننشر الخير. ناخد سواب يا جماعة. ننشر الدين نقوم ايجابيين بقى. نقوم بقى ايجابيين. انا لسة قايل لكم الحلقة اللي فاتت. ان الارض المقدسة فتحت على ايد يوشع مش على ايد موسى - 00:53:15

رغم ان موسى قائد اعظم من يوشع. بس يوشع كان معه جيش رجاله. انما موسى عليه الصلاة والسلام كان الجيش بتاعه بيقول له انا هنا قاعدون بقى لما الدعاء يدعوا الناس والناس يقولوا انها هنا قاعدون كلمنا نفتح الدش وبس مش اكتر. بقى ساعتها الدين مش هينتشر والدين مش هيتصر. لازم بقى - 00:53:33

ناس رجاله. عشان ان شاء الله نفتح العالم كله. اخيراً يا جماعة عايزيين نتوتر بقى قبل رمضان شوية. زي ما الناس بتتوتر قبل الامتحانات وقبل وقبل البطولات عايزيين نتوتر بقى. قوموا - 00:53:53

قوموا الى جنة عرضها السماوات والارض قوموا الى ابواب الجنة التمانية اللي هتفتح بعد اسابيع. قوموا يا جماعة قوموا يلا يا جماعة. قوموا انشروا الخير. قوموا طبقوا. قوموا طبقو المعاشرات - 00:54:06

قوموا يا اخواني باذن الله سبحانه وتعالى. قوموا الى الصيام والقيام. اللي هم اخطر كلمتين في الاستعداد كله باذن الله سبحانه وتعالى. يعني احنا كده باذن الله يعني هزا الدرس انا يعني بعتبره مش درس والله يا اخواني. هزا الدرس انا بعتبره كفاح - 00:54:20  
والله باعتبره جهاد لأن رمضان ده الشهر اللي انت لو اتغيرت فيه خلاص كل حاجة اتغيرت رمضان ده الشهر اللي انت لو عشت عليه صح كل حاجة اتغيرت عشان كده يلا اشهدوا عزكم. وياللا قوموا بقى ويلا ما فييش نوم لحد رمضان باذن الله سبحانه وتعالى. يعني يا دوبك قبل رمضان بب يوم ولا يومين نريح كده شوية - 00:54:37

نعبد ربنا ايه بهدوء كده عشان بقى ايه ندخل في رمضان ان شاء الله ننطلق نحو حظ الثواب بذن الله. اللهم بلغنا رمضان اللهم بلغنا رمضان. اللهم اجعلنا فيه من الفائزين. اللهم بلغنا ليلة القدر. واجعلنا فيها من الفائزين. اللهم يا ربنا افضل - 00:54:54

من رحمتك وبركاتك وفضلك في رمضان. اللهم اجعله شهر فتح على امة حبيبك. على شبابها وفتياتها ورجالها ونساءها واطفالها. اللهم اجعل شهر رمضان هذا شهر فتح على الامة. اللهم اجعله شهر توبة للامة كلها. اللهم اجعله شهر هداية - 00:55:14  
للامة كلها. اللهم اغثنا من الفتنة ما ظهر منها وما بطن. اللهم انا نشتاق الى رمضان والى فضلوك في رمضان. والى هدائي والى هدايتك

في رمضان. اللهم فاغثنا برمضان. اللهم اجعل الامة كلها في رمضان من -  
00:55:34  
الفائزين واجعلوا شهر فتح على المجاهدين في كل مكان برحمتك يا ارحم الراحمين اقول قولي هذا واستغفر الله لي ولكم. سبحانك  
الله وبحمدك اشهد ان لا اله الا انت استغفرك واتوب اليك وجزاكم الله خير -  
00:55:54

00:56:15 -